



სსიპ - საქართველოს კომუნიკაციების ეროვნული კომისია

ქ. თბილისი, ქ.წამებულის გამზირი/ბოჭორმის ქ.50/18

**გამარტივებული ელექტრონული ტენდერის საშუალებით ავტოსატრანსპორტო
საშუალებების შეკეთებისა და ტექნიკური მომსახურების შესყიდვა**

ს ა რ ზ ე ვ ი

1. ინსტრუქცია გამარტივებულ ელექტრონულ ტენდერში მონაწილეთათვის -3
2. საკვალიფიკაციო მოთხოვნები ----- 6
3. ტექნიკური დავალება ----- 7
4. სახელმწიფო შესყიდვის ხელშეკრულების პროექტი ----- 9

ინსტრუქტაჟი

გამარტივებულ ელექტრონულ ტენდერში მონაწილეობის მისაღებად

გამარტივებულ ელექტრონული შესყიდვა, როგორც თქვენთვის უკვე ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით. გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე. სატენდერო წინადადების წარდგენისათვის: პირველ რიგში, მიმწოდებელი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით). ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები შესაძლებელია განხორციელდეს როგორც ელექტრონულად (სისტემის მეშვეობით), ასევე სისტემის გამოყენების გარეშე. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა. სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს. სატენდერო წინადადების უზრუნველყოფის გარანტია დაბრუნებას არ ექვემდებარება შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;
- დ) პრეტენდენტის მიერ არაკეთილსინდისიერი ქმედების განხორციელებისას.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.

ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ-ს

გარეშე, თუმცა თუ იგი დღე-ს გადამხდელია, შესაბამისი ოდენობით თანხა გათვალისწინებულ იქნება ხელშეკრულებაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

საკვალიფიკაციო მონაცემები არის ადმინისტრაციული ორგანოებიდან წარმოსადგენი დოკუმენტები, რომლებიც წარმოდგენილ უნდა იქნას სატენდერო განცხადებით ან სატენდერო დოკუმენტაციით მათი მოთხოვნის შემთხვევაში. საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს სატენდერო წინადადების მიღების ვადის დასრულების თარიღს.

საკვალიფიკაციო მონაცემების წარმოდგენისათვის შემსყიდველი პრეტენდენტს განუსაზღვრავს ვადას არაუმეტეს 5 სამუშაო დღისა. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

იმ შემთხვევაში, თუ პრეტენდენტის მიერ წარმოდგენილი ტექნიკური დოკუმენტაცია თუ იგი არ შეესაბამება სატენდერო განცხადებისა და სატენდერო დოკუმენტაციის მოთხოვნებს,

შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე. ამ შემთხვევაში ხდება პრეტენდენტის დისკვალიფიკაცია.

პრეტენდენტის დისკვალიფიკაცია ხდება ასევე მის მიერ საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენის შემთხვევაში. ასეთ შემთხვევაში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

საკვალიფიკაციო მოთხოვნები

1. საკვალიფიკაციო მოთხოვნების თანახმად, პრეტენდენტმა ადმინისტრაციული ორგანოებიდან უნდა წარმოადგინოს შემდეგი დოკუმენტები:

1.1 იურიდიული პირისათვისათვის, ამხანაგობისათვის და ინდივიდუალური მეწარმისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან რომ არ ხორციელდება პირის რეორგანიზაცია ან ლიკვიდაცია;

1.2 ფიზიკურმა პირმა პირადობის მოწმობის ან პასპორტის ასლიდან ერთად უნდა წარმოადგინონ:

ა) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევია საქართველოს სისხლის სამართლის კოდექსის შემდეგი თავებით გათვალისწინებული დანაშაულისათვის: თავი XXVI დანაშაული სამეწარმეო ან სხვა ეკონომიკური საქმიანობის წინააღმდეგ და თავი XXXIX სამოხელეო დანაშაული;

1.3. ყველა პრეტენდენტს ევალება წარმოადგინოს სუბკონტრაქტორის (ასეთის არსებობის შემთხვევაში) საკვალიფიკაციო მონაცემები და მასთან გაფორმებული ხელშეკრულება ან მისი ნოტარიულად დამოწმებული ასლი.

1.4. საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები გაცემული უნდა იყოს ტენდერისთვის "ტენდერი გამოცხადებულია" სტატუსის მინიჭების შემდეგ. აღნიშნული დოკუმენტები წარმოდგენილ უნდა იქნეს ელექტრონული ვაჭრობის დამატებითი რაუნდების დამთავრების შემდგომ შემსყიდველის მოთხოვნის შესაბამისად.

1.5. პრეტენდენტმა სატენდერო წინადადებასთან ერთად სისტემაში უნდა ატვირთოს მის მიერ არანაკლებ უკანასკნელი ორი წლის განმავლობაში ავტომატური ტექნიკური მომსახურების გაწევის გამოცდილების შესახებ და გაფორმებული ხელშეკრულებების თაობაზე სრული ინფორმაცია, შემდეგი ცხრილის სახით:

ტექნიკური დავალება

1.5. კომისიის საკუთრებაში არსებული 3 ავტოსატრანსპორტო საშუალების შეკეთება და ტექნიკური მომსახურება 2011 წლის განმავლობაში. ქვემოთ მოცემული ცხრილის პირველ და მეორე პუნქტში მითითებულ ავტოსატრანსპორტო საშუალების ტექნიკური მომსახურების გაწევა უნდა განხორციელდეს ქ. თბილისში, ხოლო მე-3 პუნქტში მითითებულ ავტოსატრანსპორტო საშუალების მომსახურება უნდა განხორციელდეს ქ. ზუგდიდში. ავტოსატრანსპორტო საშუალებების ჩამონათვალი და ტექნიკური მახასიათებლები მოცემულია ცხრილის სახით:

№	დასახელება	ძრავის მოცულობა. მ³	გამოშვების წელი
1	დოჯ ქარავანი	3.3 (ბენზინი)	1998
2	მიცუბიში პაჯერო	3.0 (ბენზინი)	2003
3	უაზ ჰანტერი	2.7	2005

1.6. კომუნიკაციების ეროვნული კომისიის საკუთრებაში არსებული ავტოსატრანსპორტო საშუალებების შეკეთება და ტექნიკური მომსახურების გაწევა ხელშეკრულების გაფორმების შემდგომ უნდა განხორციელდეს მოთხოვნიდან არაუმეტეს 2 სამუშაო დღის განმავლობაში, მომსახურება უნდა განხორციელდეს დანართ 1-ში მითითებულ მომსახურებებზე 2011 წლის 31 დეკემბრის ჩათვლით.

1.7. პრეტენდენტი მიერ შემოთავაზებული შესყიდვის ობიექტი უნდა შეესაბამებოდეს კონკრეტული ავტოსატრანსპორტო საშუალებისთვის დადგენილ ან/და მასთან მიახლოებულ სტანდარტებსა და ხარისხს.

1.8. პრეტენდენტის ტექნიკური დოკუმენტაცია უნდა შეიცავდეს გასაწევი მომსახურების განფასებას დანართში მითითებული ცხრილის შესაბამისად. სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებულ უნდა იქნას დღე-ს ჩათვლით. ამ გამარტივებული ელექტრონული ტენდერის შედეგად დადებული ხელშეკრულებით გათვალისწინებული ანგარიშსწორება მოხდება კომისიის ბიუჯეტიდან.

1.9. ანგარიშსწორება განხორციელდება წარმოდგენილი ანგარიშგაქტურის საფუძველზე, წინასწარი ანგარიშსწორების პირობები არ განიხილება.

1.10. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

1.11. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.12. პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ. სატენდერო წინადადება უნდა

მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში.

1.13. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 30 კალენდარული დღით, ტენდერისათვის სტატუსის – „წინადადების მიღება დაწყებულია“ მინიჭების ეტაპიდან;

1.14. გამარტივებულ ელექტრონულ ტენდერში გამოყენებული იქნება ხელშეკრულების უზრუნველყოფის 5%-იანი გარანტია, რომელიც ხელშეკრულების გაფორმებამდე უნდა წარმოადგინოს გამარჯვებულმა პრეტენდენტმა დანართი 2-ში მითითებული ფორმის სახით.

1.15. პრეტენდენტმა სატენდერო წინადადებასთან ერთად უნდა წარმოადგინოს საკუთარი რეკვიზიტები (სახელი/სახელწოდება, საიდენტიფიკაციო კოდი, საბანკო მონაცემები, მისამართი, ტელეფონი);

1.16. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი:

გრიგოლ სულუხია ტელ: 3996669, ელ.ფოსტა: gsulukhia@gncc.ge

სახელმწიფო შესყიდვების შესახებ ხელშეკრულების პროექტი
ხელშეკრულება N

ქ. თბილისი

2011 წელი

ერთის მხრივ, სსიპ საქართველოს კომუნიკაციების ეროვნული კომისია (შემდგომში „შემსყიდველი“), წარმოდგენილი მისი თავმჯდომარის ირაკლი ჩიქოვანის სახით და მეორეს მხრივ, ----- (შემდგომში „მიმწოდებელი“), წარმოდგენილი მისი ----- სახით, „სახელმწიფო შესყიდვების შესახებ საქართველოს“ კანონის შესაბამისად გამარტივებული ელექტრონული ტენდერის ჩატარების შედეგად, რომელიც გამოცხადებული იყო შემსყიდველის მიერ 2011 წლის ----- (ტენდერის კოდი № SPA -----), დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონის, „სახელმწიფო შესყიდვების განხორციელების წესის შესახებ“ დებულებისა და „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების შემდეგ.
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „შემსყიდველი“ – ორგანიზაცია, რომელიც ახორციელებს შესყიდვის ობიექტის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ – იურიდიული პირი, რომელიც აწვდის შემსყიდველს შესყიდვის ობიექტს სახელმწიფო შესყიდვის შესახებ ხელშეკრულების ფარგლებში.
- 1.6. „შესყიდვის ობიექტი“ – სახელმწიფო შესყიდვის შესახებ ხელშეკრულების მე-2 მუხლით გათვალისწინებული საქონელი და მომსახურება.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.8. „მიღება-ჩაბარების აქტი“- წერილობითი დოკუმენტი, რომელიც ფორმდება მომსახურების მიღების შემდეგ.

2. ხელშეკრულების საგანი

მიმწოდებელი ვალდებულია წინამდებარე ხელშეკრულების პირობებისა და ტექნიკური დავალების (დანართი 1) შესაბამისად, შემსყიდველს მიაწოდოს ავტოსატრანსპორტო საშუალებების შეკეთებისა და ტექნიკური მომსახურების გაწევა.

3. სტანდარტები და გარანტია

3.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი შესყიდვის ობიექტის მიწოდება.

3.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) და შემოწმების შედეგად გამოვლენილი შესყიდვის ობიექტის დეფექტის ან ნაკლის აღმოფხვრა.

3.3. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

4. საპატენტო უფლებები

შესყიდვის ობიექტის და/ან მისი ნებისმიერი ნაწილის გამოყენებისას საპატენტო უფლებების დარღვევასთან, ასევე შესყიდვის ობიექტის საფირმო ნიშნის და/ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

5. ხელშეკრულების ღირებულება

5.1. ხელშეკრულების ჯამური ღირებულება შეადგენს ----- (-----) ლარს.

5.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა ხარჯს.

6. შესყიდვის ობიექტის მიწოდების ადგილი და ვადა

6.1. მიმწოდებელი უზრუნველყოფს საქონლის მიწოდებას შემსყიდველისათვის 2011 წლის 31 დეკემბრის ჩათვლით, მოთხოვნიდან 2 სამუშაო დღეში, მისამართზე: ქ. თბილისი ----- და ქ. ზუგდიდში ----- შემსყიდველის მიერ მოთხოვნის წაყენებიდან არაუმეტეს ----- დღის განმავლობაში.

6.2. შესყიდვის ობიექტის მიღებულად ჩაითვლება შემსყიდველსა და მიმწოდებელს შორის მიღება-ჩაბარების აქტის გაფორმების შემდეგ.

7. ანგარიშსწორების ფორმა, ვადები და მიღება-ჩაბარება

შემსყიდველი მიმწოდებელთან ანგარიშსწორებას ახორციელებს ლარებში ფაქტობრივად შესყიდული მომსახურების ოდენობაზე, უნაღდო ანგარიშსწორების გზით, მიმწოდებლის მიერ მითითებულ საბანკო ანგარიშზე თანხის გადარიცხვით, შესყიდვის ობიექტის მიღების თაობაზე მიღება-ჩაბარების აქტის შემსყიდველის მხრიდან ხელმოწერიდან და შესაბამისი ანგარიშ-ფაქტურის წარდგენიდან 5 (ხუთი) სამუშაო დღის ვადაში.

8. მხარეთა უფლება-მოვალეობანი

8.1. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის შემოწმება და ინსპექტირება (კონტროლი);
- ბ) მომსახურების გაწევის დარსულებამდე გამოითხოვოს მიმწოდებლისაგან მისთვის საჭირო დოკუმენტი.

8.2. შემსყიდველი ვალდებულია:

- ა) უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

8.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. მიმწოდებელი ვალდებულია:

- ა) გასწიოს მომსახურება სათანადო ხარისხითა და სრული მოცულობით;
- ბ) უზრუნველყოს მომსახურების გაწევა ტექნიკური დავალების შესაბამისად.

9. ხელშეკრულებით ნაკისრი ვალდებულებების შესრულების კონტროლი (ინსპექტირება) და შემოწმება.

9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე ან/და შეამოწმოს შესყიდვის ობიექტის ან/და მომსახურების შესაბამისობა ხელშეკრულებით გათვალისწინებულ მოთხოვნებთან.

9.2. მიმწოდებელი ვალდებულია შემსყიდველი უზრუნველყოს კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პირს, მის შრომის ანაზღაურებას უზრუნველყოფს თვით შემსყიდველი.

9.3. ხელშეკრულებით ნაკისრი ვალდებულებების შესრულებაზე კონტროლის (ინსპექტირების) და შემოწმების განხორციელების უფლება ენიჭება შემსყიდველის ადმინისტრაციული დეპარტამენტის მთავარ სპეციალისტს გრიგოლ სულუხიას, რომელიც არ იმყოფება მიმწოდებელთან ინტერესთა კონფლიქტში.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების ცვლილება დაუშვებელია ხელშეკრულების ღირებულების 10%-ზე მეტი ოდენობით.

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5. მხარე ვალდებულია 11.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

11.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. გამოყენებული სამართალი და ხელშეკრულები ენა

12.1 ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

11.2 ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ზალა.

12. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ინტერესთა კონფლიქტის თავიდან აცილება

წინამდებარე სახელმწიფო შესყიდვის მოსამზადებელ ეტაპზე შემსყიდველის შესყიდვის კომისიის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

16. ხელშეკრულების მოქმედების ვადა

ხელშეკრულება ძალაში შედის 2011 წლის ----- და ძალაშია 2011 წლის 31 დეკემბრის ჩათვლით.

შემსყიდველი:

სსიპ „საქართველოს კომუნიკაციების
ეროვნული კომისია“
კომისიის თავმჯდომარე
ირაკლი ჩიქოვანი

მისამართი: ქ.თბილისი, ქეთევან
წამებულის გამზირი/ბოჭორმის ქ. №50/18
საიდ.კოდი: 204953050
სს „თი ბი სი ბანკი“
ბანკის კოდი: 220101830
ა/ა: GE11PB0600000000609326

დანართი 1

პრეტენდენტი მიერ შემოთავაზებული შესყიდვის ობიექტი უნდა შეესაბამებოდეს კონკრეტული ავტოსატრანსპორტო საშუალებისთვის დადგენილ ან მასთან მიახლოებულ სტანდარტებსა და ხარისხს, აგრეთვე განფასებაში მითითებული უნდა იყოს შესყიდვის ობიექტში შემავალი ნივთების ტექნიკური მახასიათებლები და სახელწოდება, რათა საშუალებას მისცემს შემსყიდველს მოახდინოს შეთავაზებული სატენდერო წინადადების საბაზრო ფასებთან შედარება.

1) 2011 წლის განმავლობაში მოთხოვნის შესაბამისად განსახორციელებელი მომსახურებები:

დოჯ ქარავანი, ძრავის მოცულობა 3.3 მ³ (ბენზინი), გამოშვების წელი 1998, გარბენი 382000კმ:

შესყიდვის ობიექტის დასახელება	რაოდენობა/ ერთეული	ნივთის ღირებულება	მომსახურებისა ღირებულება	საერთო ღირებულება	მომსახურების გაწევის ვადა (მოთხოვნიდ ან არაუმეტეს 2 სამუშაო დღისა)
ძრავის ზეთი (ნახევრად სინთეტიკა 10/40)	7 ლიტრი				
ძრავის ზეთის ფილტრი	1 ცალი				
წინა სამუხრუჭე ხუნდები კომპლექტი	1 კომპლექტი				
ჰიდრავლიკის ზეთი	2 ლიტრი				
რადიატორის ხუფი	1 ცალი				
სულ ჯამი					

2) 2011 წლის განმავლობაში მოთხოვნის შესაბამისად განსახორციელებელი მომსახურებები:

მიცუბიში პაჯერო, ძრავის მოცულობა 3.0 მ³ (ბენზინი), გამოშვების წელი 2003, გარბენი 280000კმ:

შესყიდვის ობიექტის დასახელება	რაოდენობა/ ერთეული	ნივთის ღირებულება	მომსახურებისა ღირებულება	საერთო ღირებულ ება	მომსახურები ს გაწევის ვადა (მოთხოვნიდ ან არაუმეტეს 2 სამუშაო დღისა)
ძრავის ზეთი (ნახევრად სინთეტიკა)	6 ლიტრი				
ძრავის ზეთის ფილტრი	1 ცალი				
სულ ჯამი					

შენიშვნა: მე-3 პუნქტში მითითებულ ავტომობილ უაზ ჰანტერის ტექნიკური მომსახურება უნდა განხორციელდეს ქ. ზუგდიდში

3) 2011 წლის განმავლობაში მოთხოვნის შესაბამისად განსახორციელებელი მომსახურებები:

უაზ ჰანტერი, ძრავის მოცულობა 2.7 მ³ (ბენზინი), გამოშვების წელი 2005, გარბენი 132000 კმ:

შესყიდვის ობიექტის დასახელება	რაოდენ ობა/ ერთეუ ლი	ნივთის ღირებულება	მომსახურებისა ღირებულება	საერთო ღირებულება	მომსახურები ს გაწევის ვადა (მოთხოვნიდ ან არაუმეტეს 2 სამუშაო დღისა)
რესორის მილისები	12 ცალი				
ამორტიზატორი მილისებით	4 ცალი		6 მომსახურება		
სტაბილიზატორი მილისებით	6 ცალი		6 მომსახურება		
შტანგერი მილისებით	4 ცალი		3 მომსახურება		
საჭის დაბოლოება	4 ცალი		4 მომსახურება		
ბენზინის ნასოსი	1 ცალი		1 მომსახურება		
ჰიდრავლიკის ზეთი	1 ლიტრი		1 მომსახურება		
სამუხრუჭე სითხე	0.5 ლიტრი				
სულ ჯამი					

სატენდერო წინადადების ჯამური ღირებულება შეადგენს _____
ლარს, საქართველოს კანონმდებლობით გათვალისწინებული გადასახადების
ჩათვლით.

პრეტენდენტი _____

ხელმოწერა _____

თარიღი _____

დანართი 2

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ _____
(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

(თანხა ციფრებით) (თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)